

欽定平定教匪紀略

欽定平定教匪紀畧卷十七

十一月初六日巳

上諭內閣曰九月十五日逆匪林清潛遣夥黨突入  
禁門謀逆當經官兵將逆黨殲捕淨盡嗣訊據獲  
犯供稱是日逆匪等在禁城滋擾時恍惚之中望  
見

關帝神像該逆衆立時畏懼奔竄悉就殲擒此次

逆匪滋事迅卽殄除都城安堵前於孟冬朔日燭

潔祀謝

天

地

宗

社敬酬

眷佑

開帝廟尙未虔申祀謝著太常寺於冬至前諏吉  
在地安門外

開帝廟報祀一應禮儀卽照春秋二祀之例定期  
具奏請旨遣皇次子前往行禮用答

神庥

臣等謹按我

朝崇奉

關帝尊禮備至而

神之佑我

國家者靈異特昭每遇

王師征討之際

靈旗髣髴助赫濯焉方策所存蓋有不勝書者此

無他助順遏逆之心

天人一致而扶正殛邪之理幽顯同符然非

至治馨香夙昭感格則呼吸可通之效亦未易臻也

我

皇上翼翼嚴昭事之忱乾乾勵法

天之實

誠敬之至通於神明故九月十五日倉猝之間默邀

呵護厥後滑城克復之日

靈蹟復著見於那彥成等奏報之詞

惠廸之占孚於影響茲既肅精禋以彰美報嗣於次

年二月復

特勅於

神號內敬增仁勇二字於以奉揚

偉烈垂之無窮讀是編者可以悚然於

天人感應之真卜我

大清億萬年無疆之祚矣

上又諭內閣曰九月十五日二阿哥用烏鎗親斃二賊此皆諳達等平素向阿哥講習武備阿哥始能如是熟練甚屬可嘉著施恩將諳達畢拉哈那全山保明喜濟克進扎普福英安等俱各賞加一級以示鼓勵又原任諳達二等侍衛佛爾卿額從前朕爲阿哥時伊隨朕充當諳達頗著勤勞後在二阿哥諳達上行走二阿哥能如是熟習武備亦由



佛爾卿額講求肄習所致伊子察良阿現回吉林  
著加恩交該將軍等卽在彼處挑爲領催

是日董誥等奏言

臣等遵

旨將案內緊要情節向逆犯曹綸研訊并將屈四一  
犯覆加熬訊據曹綸供我先實無造反之意我  
雖係都司實在窮極無奈貪圖富貴料得林清  
事成後自然給我一二品官做況林清原說在

河南鬧事我想事成固好即使不成他在外省  
鬧事我仍舊做我的都司也不能牽連到我落  
得坐觀成敗所以當面只管答應至我係現任  
職官若勸令在京親戚朋友及任所兵民入教  
豈不自取敗露我就糊塗死了也斷不出此有  
我衙門書役兵丁俱可傳質至林清黨羽我實  
在不能盡知惟想起十六年春間林清向我說

采育固安兩處都有他手下的人又十七年五月我到他家見掛有硃箋條幅上寫金字說是潼關一路得來的想陝西必有他手下的人又聽見他說甘肅蘭州也有他的同教我又想起前新莊的齊八太平莊的賀文隴俱是民校尉並有支進財賀八魯進有卽二臭兒又有宛平縣當衙役的王七這都是教內人此外我不知

道是實又據屈四供八月十四日劉四卽劉呈  
祥向我傳林清的話奏人齊上燕郊我實因莊  
上人少不能湊合多人回覆他們隨後林清叫  
我去說你那裏旣湊不出多人且就你揀出的  
人跟著劉四進

東華門起事我們據了京師不怕

聖駕不到開東去我出來劉四又替我說九月十五

日河南人來卦主自有安排彼時殺害了京師  
內外的官民十七日一擁就可上燕郊去鬧事  
了十五日我帶了張順等十人進城鬧事是實  
臣等又質訊董輜太據供我舅舅林清於十六  
年二月第一次往河南回來帶有硃砂箋單條  
一幅寫的白字又像符又像畫兩邊畫著金龍  
上有方印他對劉呈祥們說這是潼關外近著

狗西番地方楊姓送他的並說憑著這個收人  
以後凡收徒弟都叫他向條幅磕頭我又聽見  
支進才說這是牛亮臣送給並不是什麼楊姓  
的去年七八月間我舅舅說這條幅太招搖業  
經燒燬我又聽得劉成章向我舅舅說有個劉  
五訓手下有許多徒弟是甘肅蘭州人想來就  
是曹綸所說入教之人等語臣等除將曹綸等

供出各犯逐一核對查拏外謹將現犯分別錄  
供卽行按律定擬

同日那彥成高杞楊遇春奏言竊<sub>臣</sub>等督兵攻

克道口賊巢後兵抵滑城查滑城共有五門其

東西南三門已經派兵堵截惟正北及西北兩

門尙未堵住<sub>臣</sub>等正在趕緊設法間先於二十

九日酉刻桃源之賊二千餘人欲圖入城接應

城內亦出賊千餘人兩相接應時已昏黑經官兵從中奮力堵截賊匪始各退回官兵乘勢攻城詎城上賊匪鎗礮亂發未能得手迨三十日黎明桃源賊匪一千數百人復圖進城拚命衝突滑城北門又出賊二千餘人接應官兵兩面截擊十分喫緊當經臣楊遇春同

乾清門侍衛額勒精額侍衛哈朗阿並格布舍富



僧德帶同各侍衛等直前衝殺賊匪抵死不退官兵鎗箭齊發自辰至申殺斃桃源賊匪一千餘人生擒二百餘名餘剩數十零匪竄回桃源其出北門接應之賊經高杞特依順保馬元楊芳副將張大振遊擊祁祥等各帶馬步兵丁迎頭堵剿殺斃賊一百四五十人生擒十九名餘匪退入城內官兵追至北門復被城上鎗石抵

住官兵乘勢屯劄北門並將北郭縱火焚燒查  
此次桃源一股賊匪已經官兵痛剿無餘滑城  
賊匪亦復瞻寒現在西北一門續經官兵堵住  
惟有正北一門賊匪專力拒守鎗破亦多現計  
兵力實尙不敷佈置臣等晝夜籌維萬分焦急  
惟有盡心竭力設法圍攻所有生擒賊匪訊明  
均無要供當卽分別正法此次攻城打仗官兵

實屬奮勇陣亡護軍營前鋒校岳王保一名其餘兵勇因攻城甚迫傷亡數十名容俟查明容部辦理至連次打仗官員兵勇臣等遵

旨擇其在前敵打仗殺賊受傷者分別開單據實保奏奏入

上諭內閣曰此次攻克道口官兵等飛越溝濠攻剿竟日將賊巢掃除淨盡續又連獲勝仗實屬奮勇

可嘉著加恩將乾清門頭等侍衛額勒精額賞給  
健勇巴圖魯名號頭等侍衛哈朗阿賞給繼勇巴  
圖魯名號仍著在乾清門行走遊擊齊慎著賞給  
健勇巴圖魯名號照例各賞給銀一百兩二等侍  
衛阿勒罕保扎蘭保陞授頭等侍衛阿勒罕保著  
在乾清門行走三等侍衛蘇倫保陞授二等侍衛  
空花翎霍隆武賞給藍翎侍衛仍戴空花翎護軍

營前鋒校蘇清阿遊擊祁祥守備蔣光奎千總張  
作功吳琨俱著遇有應陞缺出先行陞用並著先  
換頂戴遊擊馬光宇賞戴花翎都司劉印景守備  
寶德俞振海千總段永福俱著賞換花翎火器營  
護軍三音布吉格德里武常青常勝保健銳營前  
鋒校海明阿西朗阿明福驍騎校西林保遊擊楊  
印花都司劉夢龍陳天壽守備劉鳳翥雲騎尉署

守備陳善千總候補守備鄧殿魁千總劉攀桂楊  
立震把總劉鳳翮蕭貴張化鵬馬全昇外委李伏  
殿向榮額外外委游貴張寧西安滿營前鋒興安  
保德平和楞額馬甲奇車布陝西馬兵祝廷元蕭  
提陞劉天華陳誥俱著賞戴藍翎原任都司胡超  
著准其開復原官

上又諭內閣曰陝西畧陽營遊擊員缺著周貴陞補

所遺紫陽營都司員缺著趙啟貴陞補瓦石坪守  
備員缺著唐鳳陞補俱著先換頂戴

上命軍機大臣傳諭那彥成高杞楊遇春曰此次那  
彥成等將桃源一股賊匪悉數殲除其西北一門  
續經堵住該匪等外援已絕正如釜魚阱獸苟延  
殘喘但困獸猶鬪更須嚴密防守晝夜勿懈如遇  
風冷加倍留心現當功屆垂成之際該督等更應

計出萬全毋稍疎懈目下緊要機宜惟在堵圍嚴  
密不令該匪一名竄出卽少需時日朕亦不加催  
促閱該督所奏兵力尙不敷佈置已降旨飭知托  
津將吉林黑龍江二省勁兵令其全數赴豫併力  
攻剿並諭令章煦沿途迅速督催俾令尅期至營  
該督等俟此項官兵到後以大礮燬其樓櫓督率  
勇銳奮力先登卽可擒縛渠魁蕩除餘孽一鼓成



功也

上又命軍機大臣傳諭托津曰本日據那彥成奏滑縣賊匪經官兵圍住三面之後二十九日桃源賊匪二千餘人赴滑援救滑城之賊亦出北門接應經官兵將桃源賊剿殺淨盡已將西北一門圍住惟餘正北一門計算兵力尙不敷佈置等語道口桃源兩處賊匪俱經官兵殲淨滑城賊匪外無應

援其五門又已圍住四門正當攻剿喫緊之際而  
兵力尙覺不敷此時緊要機宜惟有迅催吉林黑  
龍江馬隊官兵齊抵滑城合力進攻方能得手刻  
已降旨章煦派員沿路督催托津現在開州督同  
馬瑜等搜剿直隸邊境賊匪該處不過零星竄匪  
不難辦理如托津一路兵力有餘無大股可剿之  
賊或於蘇爾慎間俊烈等酌分一二人帶兵馳往

滑縣會剿當更得力卽或兵力不敷分派則吉林  
黑龍江馬隊官兵過開州時斷不許截留一名卽  
飛速催令全抵那彥成大營聽候派撥托津前奏  
恐滑縣賊匪被剿竄向東北欲厚集兵力堵禦不  
知此時官兵早到滑縣能將滑縣賊匪悉數殲除  
則北面自無虞竄逸若祇顧開州一面滑縣兵力  
不敷倘賊匪乘機潰散卽使不趨東北設竄向西

南豈不同一辦理費手乎朕盼望捷音宵旰焦勞  
現當功屆垂成之際伊與那彥成當統計全局先  
其急者以期速蒞大功軍務至重功則同賞過則  
同罰想托津公正廉明自能仰體朕心協助那彥  
成成功托津一併受恩朕並無歧視只盼捷音

上又命軍機大臣傳諭章煦曰現在那彥成已將道  
口桃源兩處屯聚賊匪剿捕淨盡大兵合力圍攻

滑城所有自京分起派往之吉林黑龍江官兵正陸續在直境行走著章煦卽派委大員執持令箭沿途傳旨飭知領兵大員督催該官兵等迅速行走徑赴河南滑縣那彥成軍營路過開州托津軍營一名不許停留該督遵旨速行傳催毋稍稽遲上又命軍機大臣傳諭署陝甘總督巡撫董教增曰現據逆首林清之甥董綱太供稱本年六月底曾

聞滑縣賊首李文成義子劉成章向伊母舅林清告知甘肅蘭州人劉五訓手下有許多徒弟等語逆犯曹綸供亦相同劉五訓一犯在蘭州地方與李文成等往來勾結糾人入會難保無潛通謀逆之事亟應嚴拏究辦著董教增密派明幹之員於蘭州所屬地方不動聲色密加察訪得有蹤跡卽設法拏獲親提訊供由五百里馳奏該犯所糾夥

黨約有若干並向劉五訓嚴切跟究悉數查拏不可玩視

十一月初七日

庚午

百齡奏言竊

臣

據沈洪稟報

該鎮率同叅將馬濟勝在曹縣一帶搜捕竣事  
遵卽移營豫省北岸舊考城之西北三十里大  
寨集駐紮防堵緣接奉

欽差大臣那彥成疊次檄調已馳赴長垣小郭集會

剿匪徒等情臣查大寨集地居最要爲東豫江

三省屏障若不亟籌堵截則匪徒由濬縣長垣

東明等處奔竄東南全無阻遏臣沈洪前次奉

旨帶兵一千名前往東省協剿經臣添派叅將馬濟

勝帶兵二百名策應後路原不在該鎮應調官

兵數內除飛咨那彥成飭令馬濟勝仍帶兵回

赴大寨集駐守外仍一面檄飭候補知府張丕



昌將臣續派烏鎗兵二百名捐募壯勇三百名

速行趕赴該處與馬濟勝會合復於防守徐城

兵內抽調廟灣營兵一百名遴派都司朱德寬

帶往藉資捍禦適接同興方受疇來信亦皆慮

及東豫北岸空虛並准同興札稱曹縣甫經剿

平應派官兵防範該省官兵不敷調撥囑臣派

兵數百名前往等語伏查江安二省在在與豫

境毘連是以臣於沈洪調赴長垣之後另行設  
法防堵保衛豫境而就地勢賊情而論欲杜南  
竄之路必先於北岸嚴防爲東又卽所以爲豫  
惟是各卡隘兵力實難再爲分撥擬將派令總  
兵樊雄楚管帶之東海營兵二百名並熟練壯  
勇一百名暫行抽調飭委叅將二達色等帶領  
前往仍請

勅下那彥成通籌全局速行派兵前赴曹縣以便撤  
江省兵勇歸原營防守至安省潁亳一帶總兵  
喀勒吉善駐紮太和粵首集帖近河南鹿邑沈  
邱叅將明保駐紮亳州虞家集與河南永城商  
邱接壤胡克家在亳南雙溝集安營居中調度  
佈置均已周妥臣仍隨時查探接應並札囑胡  
克家飭令喀勒吉善與南陽鎮總兵呢瑪善彼

此連絡益資備禦所有江境各卡隘

臣俟續調

之兵先後到齊卽與烏爾卿額商酌添撥該提督帶兵九百名在碭山南岸楊家集駐紮其迤

西四十里卽係豫省虞城董家口地方總兵尙

維侗督同叅將奇里克特帶兵七百三十餘名

在彼駐紮該處旣爲豫省保障並爲安省聲援

總兵沈烜督同叅將楊昇等帶兵八百三十餘

名在碭山北岸馬良集駐紮總兵英雄楚督同  
副將戴文星等帶兵八百二十餘名在豐縣劉  
家集駐紮遊擊潘遇隆分守豐縣首義集都司  
陶飛熊分守沛縣孟家馬頭湖陵城均各帶兵  
二百名統歸英雄楚就近督率其間地段綿長  
形勢散漫仍選配壯勇隨同防禦臣駐紮徐城  
相機籌備其黃河南北兩岸亦飭署徐州道毓

岱嚴督河營兵夫按段巡防仍多設偵探設滑  
縣道口匪徒被剿南竄臣卽奮力督剿并知會  
各路策應迎擊不僅株守再臣欽奉

諭旨將所獲匪犯執用乾字號白布旗之處是否卽  
係乾卦教華姓頭目夥匪查明具奏查前獲各犯  
業已審明正法訊之續獲匪犯苗占魁等均不  
知有乾卦華姓頭目自係該匪等各編名號彼

此並非一黨奏入

上命軍機大臣傳諭百齡曰江境防兵經那彥成將  
沈洪所帶兵一千名調赴軍營協剿該處兵力自  
覺稍單現據那彥成奏連次獲有勝仗已將道口  
桃源屯聚賊匪悉數殲除並將滑城圍困該處正  
當剿賊喫緊之時安能再分兵力防守邊界該督  
惟當就所帶之兵嚴飭將領加意堵禦並知會豫

東兩省同心協力互相策應滑縣之賊若經那彥成等聚而殲旃不致再有竄逸固屬甚善倘有分竄之賊那彥成等自必跟蹤追剿該督偵探得實一面迎頭截擊一面約會那彥成四面兜圍想殘敗零匪亦不難就地殲除也

十一月初八日辛章煦奏言竊臣訪聞十月三

十十一月初一兩日景州西北鄉連次失火兼



有乘火搶劫之事又故城縣居民亦有紛紛移居等情當經派員分投查辦嗣據天津道李鑾宣等稟報故城縣之北三十里周押窩地方有河南滑縣人霍應方寄居村內習教傳經惑衆經該縣徐寅第等拏獲霍應方孫政等十七犯押解來省等語查霍應方既係滑縣人氏恐與滑縣賊匪聲息相通故城一帶或尚有黨羽潛

伏臣現在親加研訊務究確情再據李鑾宣等稟報有景州民人宿元振等出首宿元謨父子妄言未來之事現在查拏等情臣亦飭令嚴拏務獲一併究辦至故城縣居民遷避一節訊據委員嵩齡訪稱前因東豫賊匪滋事之時故城與東境毘連賊氛甚近天津鎮防兵未到是以居民稍涉驚惶有遷避外出者嗣天津鎮帶兵

來縣駐劄又經該縣出示曉諭前此遷避之人  
今已回家安業

同日方受疇奏言查滑潞二縣境內村莊被賊  
蹂躪之處室廬貨用焚掠一空所有撫卹事宜

臣現飛飭藩司台斐音督同道府州縣確查悉  
照災區分別大小戶口造具清冊合無仰懇

天恩賞給兩月口糧折銀散放其外來被難之人有

願回原籍者並請酌給路費所有給過銀數戶口按照起止月日報部核銷其焚燒房間俟賊匪全行平定之後再爲查辦均奏入

上命軍機大臣傳諭章煦曰霍應方一犯係河南滑縣人寄居故城傳教與滑縣賊匪顯係夥黨經該縣拏獲十七人著該署督卽親提嚴審訊以逆首林清與該犯等是否熟識現在京城及附京一帶

仍有無夥黨潛匿如有與京師關涉應行質證者  
將該犯嚴行鎖鑰解部審辦若無可質對之處該  
署督按其應得罪名分別定擬卽奏明在該省辦  
理其宿元謨父子二犯務嚴飭所屬速拏務獲毋  
任漏網

上諭內閣曰河南滑澇二縣境內被賊地方著該撫  
查明戶口加恩賞給兩月口糧概行折銀散放以

資食用其外來避難之人有情願回籍者酌給路費將給過銀數戶口核實報銷該撫督飭所屬認真經理毋稍浮冒

十一月初九日

壬申

董誥等奏請將逆犯曹綸及

伊子曹幅昌曹重慶曹鶴齡伊胞叔曹廷琦胞

兄曹維胞姪曹咸亨七犯分別凌遲斬決梟示

其犯屬人等八名口均予發遣又屈四季得全

王五劉幅受四犯一併分別凌遲斬決梟示請

旨

是日

上廷訊曹綸屈四二犯盡法懲治降

旨曹綸曹幅昌屈四劉幅受著卽凌遲處死季得全

王五著卽處斬俱梟首示衆曹重慶曹鶴齡著卽

處斬曹廷琦曹維曹咸亨著改爲斬監候趕入本

年朝審情實餘依議

上諭內閣曰本日廷訊逆犯曹綸已盡法懲治按律  
凌遲梟示並將其家屬應行緣坐各犯分別辦理  
矣曹綸係正黃旗漢軍伊伯祖曹瑛曾任侍郎伊  
祖曹城曾任知府伊父曹廷奎曾任同知世受國  
恩且伊嫡母荆氏生母孫氏因伊父署南籠府任  
時苗匪圍城俱自縊殉節曹綸身任都司以四品



職官竟敢扶助林清通同謀逆欲爲一二品大員  
亂臣賊子行同梟獍處以極刑所以快人心而彰  
國憲至八旗漢軍自我

## 太祖

太宗開國之初從龍著績櫛風沐雨勲載旗常我國家  
視同世僕實與八旗滿洲蒙古無異百數十年以  
來漢軍中歷任文武大臣名卿碩輔節概炳著者

指不勝屈卽現在簡用內外大員亦皆克宣力効  
忠無愧閭閻不意竟有曹綸一人敗常蔑本實出  
人情意想之外諒八旗漢軍聞之自必人人憤恨  
義切同仇不知此等敗類乃戾氣所鍾譬諸萬頃  
嘉禾間生稂莠鋤而去之無害良畝卽如林清本  
係畿輔民人敢興悖亂國有常刑祇將逆犯誅殛  
斷無因林清一犯將近畿數百萬良民皆疑其反

創之理現在曹綸一家已銷除旗檔我漢軍臣僕  
皆當視曹綸爲異類不必引以爲愧所有八旗滿  
洲蒙古漢軍等惟當感激國家培養厚恩勿忘祖  
父勤勞世澤共矢天良力抒忠盡無負朕諄諄訓  
勉至意將此通諭八旗知之

臣等謹按臣無二心天之制也曹綸以漢軍  
旗人祖父食祿於

朝身登仕版嫡母生母並皆殉節而乃梟獍爲心  
敗常蔑本通賊附逆行同狗彘此固天下臣  
民人人切齒非獨漢軍臣僕所憤恨也且在  
伊家門中卽屬敗類非但於漢軍八旗爲敗  
類也我

皇上仁育義正是日

廷訊曹綸盡法處治同伊子三人懲辦如律其不知

金匱要略卷十七  
情之族人卽概予末減而又明發

諭旨使漢軍旗人曉然於嘉禾稂莠各不相謀不必  
引以爲愧大哉

王言

天幬地載善良之衆無不恃此保全忠義之儔孰不  
聞而激發厚人心勵風化政治之要莫大於  
是嗣又

特勅史館將曹綸事蹟纂入逆臣傳垂示萬世由是  
亂臣賊子莫逃

斧鉞之嚴

大聖人之扶植綱常意深遠矣

同日托津奏言竊臣連次欽奉

諭旨指示機宜查開州之正西西北與河南滑縣接  
壤實爲北路最要之區開州境內現無盤踞大

金華縣志卷之十一  
股賊匪提督馬瑜先於初二初三等日在滑縣  
境內之四間房地方搜捕餘匪臣恐那彥成指  
日攻破滑城賊匪竄入開境北路空虛隨飛調  
該提督將官兵撤回開州於滑濬連界地方紮  
營並隨時偵探一有大股賊匪滋擾卽派兵迎  
頭截剿一面出示曉諭居民各村莊中如有零  
星賊匪三五成羣潛行藏匿令其自集壯丁卽

行擒獻大營日來各處村民縛賊來獻者自一二起至三四起不等至開州一帶逼近東省邊界東省現在兵數無多邊防緊要臣隨時遣人偵探如賊匪竄向東境卽遵

旨酌派官兵助同興堵禦仍飛咨該撫如探有賊情確信亦卽飛咨到臣以便互相援應再近日京師如李得水等所供訛言甚多實堪痛恨不能



信其必無現在那彥成圍困滑縣設造木城挑  
挖溝濠四面躡攻辦理甚爲周密兵力亦厚計  
吉林黑龍江官兵一二日內即可抵開臣擬督  
率勁旅向東長一帶剿捕肅清卽率領吉林黑  
龍江官兵五百名於

天壇大祀以前回京以資捍衛

同日百齡奏言查沈洪經那彥成檄調前往東

豫兩省屏障空虛臣不敢稍存畛域之見已分別抽調各處官兵多方接濟現在東省大寨集及曹縣兩路均經江省派兵協防今再於江境馬良集營內抽撥官兵三百名酌配壯勇一百名派令遊擊楊昇管帶移駐馬良集迤西單縣境內既可遙護東豫交界糧河廳二壩要地並爲曹縣應援仍與馬良集連絡自可悉力堵截

惟是通盤籌畫究屬地廣兵單因思沈洪原經  
那彥成派往長垣小郭集會剿賊匪現據該鎮  
稟報馳抵小郭集查知匪徒已先期竄往滑縣  
隨即馳赴滑縣復經派令協同攻擊東門查那  
彥成高杞等所帶馬步勁兵不下數萬似可不  
須此一旅遠涉之師該鎮在徐有年於江境附  
近東豫各地界均所熟悉應請

勅令那彥成酌量情形速令沈洪帶兵馳回曹考一帶則兩省皆可兼顧實資捍衛

同日朱錫爵奏言查曹州濟寧所屬地方頻年受旱成災近又有匪徒擾害之處閭閻生計拮据此時辦理撫卹若概放折色恐於民食無裨合無仰懇

天恩本折搭放惟附近各屬倉貯無幾不敷撥運

臣

查歷城齊河長清濟陽聊城高唐汶上泰安濟寧等九州縣相距東昌及曹州較近可否於大漕正耗米石項下

恩准截留粟米六萬石俾資賑卹均奏入

上命軍機大臣傳諭托津曰開州東明長垣一帶前因賊匪到處焚掠勢甚猖獗是以派馬瑜蘇爾慎等帶兵繞回剿辦馬瑜等到開州後惟據奏報在

潘章及袁家莊趙管李家莊等處殺賊數次計其  
殲斃數目每次不過四五百人及三四百人不等  
又托津馬瑜兩次奏稱春亭文興南岳等處賊匪  
因近村紳士壯勇時往攻擊俱陸續逃回滑縣茲  
據托津奏開州境內現在已無盤踞大股賊匪不  
過零星散賊三五成羣已曉諭居民自集壯丁搜  
擒縛獻等語前次賊匪如彼鴟張究竟彼時開州

東明長垣一帶賊衆共有若干馬瑜等所帶官兵  
及本處鄉勇等殲擒之賊共有若干其由開東長  
三處逃回滑縣者約有若干若核計前此滋擾之  
賊與殲除散回之賊爲數不甚懸殊則賊勢窮蹙  
直境漸就肅清卽屬可信如約計人數不符則是  
賊匪因官兵到時暫時伏匿或俟官兵移營又出  
肆劫甚或三五成羣躲過大營晝伏夜動間道北

來尤爲可慮著托津卽將開州一帶原報賊數及此時官兵剿剩賊數約畧查明據實速奏其奏請督率吉林黑龍江勁旅將東長一帶賊匪剿捕肅清率領該官兵各五百名於

天壇大祀前回京捍衛等語此則斷乎不可昨因那彥成等圍攻滑城兵力不敷已降旨飭催吉林黑龍江官兵二千名迅赴滑縣并諭托津於該兵丁過



開時勿許截留一名緣滑縣當圍攻緊要之際得此勁旅可冀迅速成功並可免竄匪旁逸至京城現甚安靜所有備禦事宜次第經理完密冬至

天壇大祀添派官兵足資宿衛托津可無庸懸念所有吉林黑龍江官兵二千名務遵前旨速催赴那彥成大營協助成功其托津所防開州一路如滑城旣克後並無竄匪北來托津卽前赴滑縣會晤那

彥成先將火器健銳二營官兵一千名凱撤還京  
仍令原帶之慶祥等分起管帶托津亦督同回京  
於本月下旬臘月初旬到京皆可此係凱旋之兵  
沿途不致妄生猜測若此時忽將吉林黑龍江官  
兵分半趕回道路傳聞易致驚惶或軍營又有需  
用之處再令轉回成何事體沿途應付豈不徒滋  
糜費乎

上又命軍機大臣傳諭那彥成高杞楊遇春日自初六日接據那彥成等奏報之後又已數日未據續報軍務情形聞該督等已督率官兵於滑縣城外設架木城挑挖溝濠併力合圍此時朕並不降旨飭催該督等務佈置周密俟吉林黑龍江官兵到營攻克滑城亦不爲遲總須將賊匪悉數殲擒一舉竣事斷不可致令旁竄追奔逐北又延時日至

收復滑城大功告竣應行撤兵時著先將健銳火  
器營京兵令原帶之員分起撤回彼時托津亦卽  
督同回京其吉林黑龍江官兵儘可暫緩現在尙  
有飭拏之太康縣匪徒趙得隴等及盱眙縣之周  
泳太等若能迅卽弋獲固屬甚善倘有蠢動情事  
正當趁此兵力速爲剿辦毋致大兵全行凱撤又  
勞徵調至該督前次檄調沈洪兵一千名赴營協

剿現在曹考一帶兵力甚單該處爲豫東兩省扼要之區兼可屏障江安倘滑城剿敗之賊稍有竄逸該處無勁兵迎頭堵截於軍務全局大有關係此時該督軍營已有吉林黑龍江勁旅二千較沈洪所帶江省之兵更屬驍勇著該督卽將沈洪一路官兵仍令回曹考一帶駐劄嚴防於剿堵機宜更爲周密

上又命軍機大臣傳諭百齡曰沈洪帶兵在考城駐  
劄兼顧東豫二省且爲江省屏障甚屬扼要現在  
那彥成處已厚集兵力且又有吉林黑龍江馬隊  
官兵二千名星馳到營亦不專恃此一旅之師百  
齡旣以沈洪爲必應調回卽當一面具奏一面行  
文那彥成乃具摺請旨飭知豈不紆緩現已降旨  
那彥成令將沈洪迅卽飭回原處防堵刻下滑城

將次克復恐曹考一帶有竄逸匪徒百齡當飭知  
沈洪並其餘各鎮將等一體加意嚴防勿稍疎懈  
上諭內閣曰曹州濟寧所屬各州縣或受旱成災或  
被賊滋擾現屆境內肅清災民漸復亟應查辦撫  
卹該處頻歲歉收又被賊擾害間閭貲蓄蕩然此  
次撫卹應本折搭放著將附近災區之厯城齊河  
長清濟陽聊城高唐汶上泰安濟寧等九州縣本

年漕糧內截留粟米六萬石以備賑撫之用

同日吏部奏遵

旨議處失察林清曹綸謀逆不奏之漢軍直隸各科  
道按其在任年月分別降調留任得

旨所有失察謀逆在任一年以上議以降二級調用  
之給事中高鶚御史今任江安糧道魏元煜常州  
府知府朱澄俱著改爲降三級調用在任未及一



年議以降一級調用之御史丁孝葵李恩繹御史  
今任山東登州府知府商載陝西榆林府知府何  
夢蓮俱著改爲降二級調用餘依議